



RESOLUCIÓN POLA QUE SE RESOLVE A COBERTURA DAS PRAZAS VACANTES DE BOLSEIROS, AO AMPARO DA RESOLUCIÓN DO 20 DE MAIO DE 2024 POLA QUE SE CONVOCAN AS BOLSAS DE FORMACIÓN PARA O ANO 2024.

Antecedentes

1. O día 9 de agosto de 2022 publicouse no *Diario Oficial de Galicia* (en diante, DOG) a Resolución do 21 de xullo de 2022 pola que se establecen as bases reguladoras das bolsas de formación e se procede á súa convocatoria para o ano 2022.
2. O día 3 de xuño de 2024 publicouse no DOG a Resolución do 20 de maio de 2024 pola que se convocan as bolsas de formación para o ano 2024 (código de procedemento VI440D).
3. Consonte ao punto segundo do ordinal primeiro da devandita resolución, convocáronse trece bolsas de formación: cinco bolsas para persoas con grao en arquitectura ou con grao en estudos de Arquitectura con máster habilitante; unha bolsa para persoas con grao de Arquitectura Técnica; seis bolsas para persoas con grao en Dereito e unha bolsa para persoas con grao en Economía.
4. En atención ás solicitudes presentadas, non hai solicitudes suficientes para conceder as bolsas para persoas con grao en estudos de Arquitectura con máster habilitante, as bolsas para persoas con grao en Arquitectura Técnica nin para a bolsa para persoas con grao en Economía.





5. O 4 de setembro de 2024 o director xeral do IGVS, consonte ao establecido no punto cinco do ordinal décimo sétimo da Resolución do 21 de xullo de 2022 e no punto quinto do ordinal décimo cuarto da Resolución de 20 de maio de 2024 resolve que se poidan cubrir as prazas vacantes da convocatoria de 2024 coas solicitudes excedentes das outras titulacións convocadas.

6. Unha vez comprobada a documentación recibidas, doce solicitudes cumpren os requisitos exixidos. Á vista das persoas graduadas que optan ás bolsas, considérase axeitado alterar a distribución territorial inicial para favorecer a formación das persoas beneficiarias das bolsas.

Fundamentos de dereito

1. O punto terceiro do ordinal primeiro da resolución do 20 de maio establece que: *"As bolsas de formación leváranse a cabo en xornada de mañá, de luns a venres, nas dependencias do IGVS, coa seguinte distribución territorial: unha persoa con grao en Arquitectura ou grao en estudos de Arquitectura con máster habilitante na Área Provincial do IGVS da Coruña; unha persoa con grao en Arquitectura ou grao en estudos de Arquitectura con máster habilitante na Área Provincial do IGVS de Lugo; unha persoa con grao en Arquitectura ou grao en estudos de Arquitectura con máster habilitante na Área Provincial do IGVS de Pontevedra; unha persoa con grao en Dereito na Área Provincial do IGVS de Ourense.*

As demais bolsas levaranse a cabo nos servizos centrais do IGVS, en Santiago de Compostela.

Esta distribución poderá ser modificada mediante resolución da persoa titular da Dirección Xeral do IGVS cando se considere favorable para a formación das persoas beneficiarias da bolsa".





Polo anterior, **RESOLVO**

Alterar a distribución territorial das bolsas quedando como segue:

- unha persoa con grao en Arquitectura ou grao en estudos de Arquitectura con máster habilitante na Área Provincial do IGVS de Lugo.
- unha persoa con grao en Arquitectura ou grao en estudos de Arquitectura con máster habilitante na Área Provincial do IGVS de Pontevedra;
- unha persoa con grao en Arquitectura ou grao en estudos de Arquitectura con máster habilitante nos servizos centrais do IGVS, en Santiago de Compostela.
- unha persoa con grao en Dereito na Área Provincial do IGVS de Ourense.
- unha persoa con grao en Dereito na Área Provincial do IGVS da Coruña.
- unha persoa con grao en Dereito na Área Provincial do IGVS de Pontevedra.
- seis persoas con grao en Dereito nos servizos centrais do IGVS, en Santiago de Compostela.

Santiago de Compostela, na data da sinatura dixital deste documento.

O director xeral do IGVS

Heriberto García Porto

